

¡BOMBA!

Algo hay que hacer diferente en algunas situaciones; ante las provocaciones, ¡Presidenta inteligente!



K'uintsil

Martes 3 de diciembre de 2024

CAMPECHE · YUCATÁN · QUINTANA ROO · AÑO 10 · NÚMERO 2375 · www.lajornadamaya.mx

U p'áatal wíibnik kulukbal maanal 10 ooráas ti' jump'éel k'iine' ku loobiltik u puksi'ik'al, beyxan kex máak ku péek: xaak'al



Efe
Oochel Enrique Osorno

U seen p'áatal kulukbal máake' je'el u loobiltik u tojbe'enil u puksi'ik'al, beyxan ku yúuchul kex wiinik suuka'an u péek, beey úuchik u chíikpajal ti' jump'éel xaak'al ku ya'alike', wa ku p'áatal máak maanal 10 ooráas y media saansamal kulukbale', maas sajbe'entsil u yantal ti' insuficiencia cardíaca yéetel u kiiimil yóok'olal wa ba'ax yaan ba'al u yil yéetel u puksi'ik'al, ba'ale' ku yúuchul xan yéetel máaxo'ob suuka'an u péeksik u wiinkilalo'ob mantats'.

Le je'ela' leit'e' yáax ba'ax chíikpaj

ti' jump'éel meyaj jts'a'ab k'ajóoltbil tu pikil ju'unil

Colegio Americano de Cardiología, tu'ux táakpaj 89 mil 530 u túul máako'ob, Xaak'ale' jts'a'ab k'ajóoltbil xan tu sesionilo'ob 2024 ku beeta'al tumen Asociación Americana del Corazón. U p'áatal máak kulukbal, ets'ekbal wa peka'an saansamale' je'el u loobiltik u puksi'ik'ale'.

Ojéela'ane' u p'áatal ma' tán u péeksik máak u wiinkilale' je'el u beetik u yantal u sajbe'entsil u tsa'ayal wa ba'ax k'ojaanil tu puksi'ik'al máak, beey a'alan

ti' jump'éel k'a'aytajil beeta'an tumen kúuchil ts'ook u yáax chá'achibta'alo', tu'ux xan ku ya'alal walkila', unaj u péeksik máak u wiinkilal maanal 150 minutos ichi le semanao' ti'al u kaláanta'al u tojbe'enil puksi'ik'al.

Ba'ale', ajxak'al xooko'obe' ku ya'aliko'obe' u péeksik u wiinkilal máake' chéen jun jaats ti' tuláakal ba'ax k'a'abéet u beetik wiini saansamal, yéetel le ba'ax ku ya'alalo' ma' xan tu jach jets'iko'ob ba'ax ku yúuchul yéetel máaxo'ob ku p'áatal chéen kuliko'ob.

Ichil le 89 mil 530 máako'ob táakpaj tu biobancoil Reino Unidoe', u edad mediaile' 62, ts'ooke' u 56.4 por siientoile' ko'olel. Ti' leti'obe' jch'a'ab u daatosil ti' jump'éel acelerómetro triaxial ts'a'ab tu kaal u k'abo'obe', tu jo'olaj ukp'éel k'iino'ob: 9.4 ooráas ku p'áatalo'ob kutsal. Tu jo'olaj waxakp'éel ja'abo'obe' 3 mil 638 máako'obe' (4.9 por siiento) tsa'ay ti'ob fibrilación auricular; mil 854 (2.1 por siiento) insuficiencia cardíaca; mil 610 (1.84 por siiento) infarto de miocardio yéetel 846 (0.94 por siiento) jkiiimo'ob.